

„stete stehenden Rüstwagen mit 2 Pferden und 2 Wagenknechten“, und außerdem 2 Fußknechte habe stellen wollen. Senftenberg schickte keinen Anschlag ein, weil es dem Aufgebot des Amtmanns hatte Folge leisten müssen.

Bericht des Rates zu Leipzig an Kurfürst Ernst und Herzog Albrecht. 1474, Okt. 20.

Durchluchtigenn hochgebornenn fursten unnd hern. Unnser underthenige gehorfsame willige dinste sein uuern gnaden alletzeit zcu-voran bereit. Gnedigen unnd lieben hern. Nachdem als uwre gnade in kortzer yrgangen zzeit haben schreibenn lassen, das wir bie unnser eygen botschafft uuern gnaden zcu erkennen geben solten, wie starck wir zcu difsem mall uuern gnaden an reifsigen mit wagen, fußknechten unnd buchsen haben volgen wollen, auch das wir bie derselbenn unser botschafft unnd schriff in eigentlicher verzeichnung, wie vil besessener burger in uurer gnaden stadt Liptzk sind unnd was die stadt von eigen dorffern unnd besessen luthen usserhalb der stadt undir ir habe, wie vil der huffener adir gertener darundir sintt, auch wie vil die huffen gearbeits adir wusts ackers haben unnd was die stadt an nutzlichen forwergen habe unnd was sie der ubir ir darlegen jerlichen gnissen moge, unnd desgleichen, was die pfarren, closter adir altarien adir burger insunderheit des in der massen hetten, nach yrer eigentlicher underrichtung, die sie uns derhalb thun solten, unnd unser erkundung uuern gnaden zuschicken solten etc., haben wir mit solchem inhalt vornommen und thun uuern gnaden daruff undertheniglich zcu wissen, das wir uff difsmall uff uurer gnaden schriff uuern gnaden mit vierdehalbhundert mannen, alz nemlich mit drabanten und wagenknechten zcusampne gerechent, drissig wagen unnd mit dreien steinbuchsen haben dynen und volgen wollen. Wir pflegen abir uuern gnaden mit reissigen nicht zcu dynen, sundern alleine mit so vil pferden, alz die heubtluthe der drabanten mit yren dynern, die mit den drabanten in die futterung pflegen zcu reithen, allewege vor sich haben müssen. So sintt auch in der gemelten uwer gnaden stadt Liptzk nicht mehr danne funffhundert und nuentzehen besessen burger, darunder danne funffzehen besessen gertener sintt, die die stadt angehoren. Auch hat die Stadt Liptzk ein dorff mit namen Euderitz, darinne sint nuen und drissig besessen menner, die haben an eckern und gerten zwenzig huffen und drittehalb virtell landes, unnd im dorffe zcu Neitzsch acht besessen menner, die haben acht huffen landes, unnd ein forwerg in Rasschwitz mit drittehalber huffen wusts artlandes, davon die stadt bissher gar ein geringen gnifs, sundern vilmehr undirweilen damit zcugesetzt hat. Auch haben ein teils uwer gnaden burger, die in uwer gnaden stadt besessen sein, usserhalb unnd umbe die stadt viher und funffzig huffen artlandes, die sie in die stadt ierlichen gebrauchen. So sintt auch sust insunderheit etzliche burger, die etzliche guter usserhalb der stadt haben, die werdenn sie uwer gnadenn amptmann, so yn derhalb in sunderheit auch geschriben ist wurden, ansagen und beschreiben lassen. Sundern Benedictus Moller hat zewu kleine mollen unnd Baltizar Schultz zwey dorff nemlich Crottendorff, darinne hat er zehen besessen menner, die haben sechs unnd viherzig kolstocke, unnd Obirnuwendorff, doselbist hat er nuen besessen menner, die haben sibendehalb